

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1177 del 30/04/2026

Manà fora su Trentino Tv l program l vegn endrezà dal Comun General de Fascia

“Pedies” : con en sabeda ai 2 de mé vegn fora la puntata #536 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 536. I argomenc de chesta puntata l é la sentèda del Consei general del Comun General de Fascia, l’Aisciuda Ladina edizion de chest an 2026 e la rubrica Svampol Ciatarul dedichèda al sonador de orghin Giordano Costa da Cianacei pascionà de Steirische.

En mèrtesc ai 28 de oril l é stat chiamà ite l Consei General del Comun General de Fascia. L orden del dì l pervedea 8 ponc con te anter l rendicont general del 2025. La Conseiera de Procura Lara Battisti l’ à spiegà bel avisa la oujes de entrèda e sortida e l desavanz final. L é stat rejonà de 2 mozions portèdes dant dal Grop Neva UAL aproèdes da duc i conseieres. L Procurador l à metù enconsaputa l Consei de la nomina con enciaria a 2 conseieres respetivamente per la costion mobilità e la pruma cèsa e amò apede l à fat a saer de coche la é la situazion coi projec per la caserma Vittorio Veneto.

Ence chest an col meis de mé e l scomenz de la bona sajon vegn metù a jir la “Aisciuda Ladina”; l event endrezà dal Comun General dessema col Istitut Cultural “Majon di Fascegn”, La scola de Fascia e la Union di Ladins dedicà a noscia val e a nosc lengaz. L’argoment l é amò chel de la toponomastica co l’intenzion de jir inant a descorig, cognoscer e recordèr i inomes di lesc, testamonesc veiores de storia e comunanza. L program l é desche zenza belebon rich e per ogne gust: l perveit raides fora per la val, scontrèdes culturèles, prejentazions de libres e auter amò dut per stèr adum e se goder dessema.

Per la rubrica de aprofondiment “Svampol ciatarul: jent che fèsc jerveèr sie cunst”: chest’outa co la redazion de Pedies porton dant

Giordano Costa – de Gustele de Tita de Mènia.

Giodi coche l é cognosciù te duta Fascia l à na gran pascion per la musica: l sona la steirische (la diatonica), l cianta cianties de ogne sort e l fèsc zeche jodler da marevea. Te chesta puntata l ne contarà de coche l é nasciù so amor per l orghin da mantech e de coche ge sa bel stèr te anter la jent, trasmeter, trèss sia sonèdes, la forza de la tradizion, de la musica folk, de la cultura popolèra con cianties zaches e curioses che conta di lesc e de la vita da chiò dintorn.

I reports de chesta setemèna i é stac enjigné e porté dant da Riccardo Zanoner e Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program l va fora ence su **AltoAdige TV – canal 11 Prov. de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

La puntata de chesta setemèna la vegnarà fora entorn la medema ora de la televizion.

Se pel veder i report un a un su la piata Facebook de TV Ladina:

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(us)